

**Vutiboheleri bya Xichudeni xa dyondzo ya le hansi eYunivhesiti
Fakhaliti ya Vudokodela na Tisayense ta Rihanyu
Yunivhesiti ya Stellenbosch**

Tanihiloko ndzi nghena eka nkarhi wa mina wa vuleteri eka Fakhaliti ya Vudokodela na Tisayense ta Rihanyu ya Univhesiti ya Stellenbosch, ndza tiboha eka maendlelo yo kula ndzi va muhlayisi wa rihanyu loyi a hloniphaka vutomi; ndzi tihayisa; na ku hanyisana na van'wana hi xindzhuti, ku tshembeka na ntwelavusiwana.

Ndzi ta tekela enhlokweni leswi ndzi nga xiswona na leswi ndzi nga vaka swona, tanihiloko ndzi tekela van'wana enhlokweni leswi va nga xiswona na leswi va nga vaka swona.

Ndzi ta konanisa na ku alana na miehleketo na maendlelo wahi na wahi lawa ya avanyisaka, mikarhi hinkwayo ndzi ta tikarhatela ku kondletela nkatsa wa hinkwavo, ndzingano na vululami.

Eka xivandla lexi cincaka hi ku hatlisa xa tisayense ta rihanyu, ndzi ta tshama ndzi ri mudyondzi loyi a nga na torha ro navela ku tiva na vutumbuluxi; ndzi ta xixima mavonelo ya misava yo hambanahambana, miehleketo, mivangu na switshunxo leswi nga swa nkoka eka vavabyi na vaakatiko.

Ndzi ta tirha na vadyondzi vo huma eka tiphurofexini tin'wana ta swa rihanyu tanihi vatirhisani lava hi ringanaka eka ku tikarhatela swa xiyimo xa le henhla eka nhlayiso wa rihanyu.

Ndza tiboha ku va muyimeri wa ku cinca; ndzi tirha na van'wana ku hlohotela hindlela leyinene mbangu wa hina wa dyondzo, xikan'we na mitokoto na mivuyelo ya nhlayiso wa rihanyu ya lava hi va korhokelaka.

Xohetelela, ndzi amukela vutihlamuleri bya mina ku pfunu ku aka vumundzuku lebyi yisekaka emahlweni bya hina hinkwerhu – hi ku tirhisa switirhisiwa hi vukheta, vutumbuluxi na vurhon'wana.

Ndzi endla vutiboheleri lebyi hi ku tshunxeka na ku tshembeka.